

Kalesia Nəgkiariien sə rani mə nəfe i nəkukuə

Pol rımərai nəkukuə i revən ti nakalasia me ia profens riti səvəi Rom kani mə Kalesia. Nakalasia me ia Kalesia nətərigien səvənraha raməvsausini pik ti nahatən eikuə me nəghinraha mə Juteiaisa me. Nahatən eikuə me nəha həni pen ti nərmama rıpkə məhə irəha nəkur Isrel mə Kumwesən trəpwəh nuvehimiruien irəha. Irəha həni mə nərmama rıpkə məhə irəha nəkur Isrel tuhaməkeikei mhesi pen loa səvəi nəkur Isrel rəmwhen ia kuvehi ninhum mınraha, mine nəniien nari, mine nousəsimwinien ia nəpın səvəi nəveginien asori me səvəi nəkur Isrel. Nahatən eikuə me nəha həni mwı mə Pol rıpkuvehi məhə nasoriien səvəi Kumwesən. Ro iamınhi irə tuhəpwəh nətərigien in. Ia nukune nəkukuə i Pol rıməni pen ti nəkur Kalesia mə nəfe nəgkiariien amasan in raməvisau. In rani mwı mə Kumwesən ruvei pen nasoriien min. Ko kıpkuvehimıru məhə kitaha trıni mınuə samesi pen Loa səvəi Moses. Mətə tukuvehimıru kitaha nəpın səni nıpərhiienien ia Iesu Kristo. Nahatətəien in nəha suatuk ti nuvehien nımıruien vi. Pol rini mə tsahatətə ia Iesu Kristo, mho nokeikeiien, nənə mharə ia Nənımwın lkinan.

¹ Iou Pol. Iou aposol riti. Nərmama me həpkəkwein məhə iou mə takowok i. Iərmama

riti rəpwəh nuvehi utəien iou, mətə Iesu Kristo mine səvənhi Tata Kumwesən sə rino rətui mwi ia nemhəien səvənhi, irau nəha krouvehi utə iou.

² Iou mine piəvmiaha me nepwɪn kimaha minraha ia kwopun i iahamrai nəkukuə i rauvehe tukumiaha nakalasia me fwe profens nəha Kalesia.

³ Nəfwakiiən səiou mə Kumwesən tata səkitaha mine Iesu Kristo Iərimənu səkitaha trouəriari pehe namasanien mine nəməriniuien m kimiaha.

⁴ Iesu rinəsəni nimiruien səvənhi memhə ti noien ərəha me səkitaha. In rino iamɪnha irə mə truvehi raka kitaha ia nitətə ərəha i samarə irə ipwet mine. In remhə mesi pen nəkwai Kumwesən Tata səkitaha.

⁵ Pwəh nəgnəginiiən revən tukwe ia nuk nuk me. Ouəh, pwəh ro iamɪnhi.

Nəgkiariien amasan sə ro nɪpərhienien kuatia a

⁶ Iou iakərkərinari ia kimiaha ti nəri nə mə Kumwesən rinəkwein kimiaha mə tihəuvehe mharə tegɪn namasanien səvəi Kristo, mətə nəpɪn ouɪhi a rukurau, nənə kimiaha hiəuvei pen təkutamiaha min, mamhəuvən ti nəgkiariien amasan riti mwi.

⁷ Iakini iamɪnhi irə mətə nəgkiariien amasan riti mwi riwən. Nəgkiariien amasan sə ro nɪpərhienien kuatia a. Mətə nərmama nepwɪn nəha ikɪn kamho kimiaha hiamhekɪr pɪk. Irəha hokeikei mə tuhəuvsini nəgkiariien amasan səvəi Kristo ruvehe nəgkiariien əpə riti.

⁸ Mətə iakani pehe tukumiaha i trɪni minuə kimaha riti uə agelo riti sə ruku pen ia neiai

1:3: Rom 1:7, Fil 1:2 **1:4:** Kal 2:20, 1Tim 2:6, Taet 2:14, 1Jon 5:19

1:7: Wok Me 15:1,24 **1:8:** 1Kor 16:22

trəvisau pehe m kímiaha nəgkiariien amasan riti ropə ia nəgkiariien amasan nəha iahənəvisau raka m kímiaha i, pwəh iərmama nəha revən ia napw.

⁹ Kímaha iahəuvəni raka nəgkiariien i tukumiaha fwe kupwən, nənə təkwtəkwuni takini mwi. Trini minuə iərmama riti raməvisau m kímiaha nəgkiariien amasan riti ropə ia nəgkiariien amasan nəha hiəuvəuvehi raka, pwəh iərmama nəha revən ia napw.

¹⁰ Kímiaha hiaməfətərig irə? Ipwet mine iakaməmwur mə sin trəkwein amasan ia nirak, iərmama uə Kumwesən? Rerímiaha ramrhi mə iakaməmwur ti nəfe, mə tako nərmama rerinraha ragien tukw iou uə? Trini minuə iakaməmwur ihi mə tako nərmama rerinraha ragien tukw iou ripko mhə iou pərhien iərmama riti sə iakamo tukwini nari m Kristo.

Pol raməni irapw mə kinəfo irə ruvehe mo aposol riti

¹¹ Piak me, iakokeikei mə kímiaha tihəukurən nəri. Nəgkiariien amasan i iakinəvisau m kímiaha ripko mhə nəvisaiien səvəi iərmama.

¹² Iapkuvehi mhə ruku pen ti iərmama riti. Iərmama riti ripkhatən mhə iou irə. Mətə iakiməuvehi ia nəpən nəha Iesu Kristo rier pehe tukw iou.

¹³ Kímiaha hiəuvəregi raka noien səiou sə iakinəfo irə kupwən ia nəpən nəha iakinaməfwaki ihi ia nəfwakiiien səvəi nəkur Isrel. Iakinamometə pik nakalasia me səvəi Kumwesən, mamousari mə takouraha irəha.

¹⁴ Ia nəpən nəha iakinəuvehe mamskai ia

nəfwakiien səvəi nəkur Isrel məpi raka iou me nepwɪn tɪ nəri nə mə iakamousari pɪk mamesi pen narəien nəha kaha kupwən me səiou həməuvei pehe.

¹⁵ Mətə Kumwesən sə ruvərfi raka iou fwe ia tipwi mama səiou, in rəkwein iou, tɪ nəri nə mə rerin ramasan tukw iou.

¹⁶ Nəpɪn rəkwein iou irə, rerin ragien tɪ nəseniien iou iakətə Tini mə takəvisau irapw nəgkiariien amasan səvənhi m nərmama me rɪpko mhə irəha nəkur Isrel. Nənə nəpɪn iakətoni Tini, təkwtəkwi a iapkevən mhə tɪ iərmama riti mə trahatən iou.

¹⁷ Iapkevən mhə fwe Jerusalem mə takətoni nərmama me nəha haməkupwən ia nirak mho irəha aposol me. Mətə iakier mevən fwe tənə nəha Arepia. Kurirə irə iakrərig mwi mevən fwe Tamaskes.

¹⁸ Nəpɪn nuk kahar rukurau, nənə iakutə pen fwe Jerusalem mə takətoni Pita. Iakuvehi nəfwakiien kəru fwe ikin kimrau min.

¹⁹ Mətə iapkətoni mhə aposol me nepwɪn mwi, Jemes əpa, piəvi Iərimənu səkitaha.

²⁰ (Nəgkiariien i iakamrai rauvehe tukumiaha ia nəmri Kumwesən iakəpwəh neikuəien irə.)

²¹ Nəpɪn iakier ia Jerusalem, iakevən fwe ia kwopun me ia profens mi nəha Siria mine Silisia.

²² Ia nəpɪn nəha, nakalasia me səvəi Kristo ia tənə Jutia həpkətə raka mhə iou, mhəreirei ihi iou.

²³ Kamhəregi a nərmama me kamhəvisau iamɪnhi mə, “Təmə i kupwən ramometə kitaha,

1:15: Aes 49:1, Jer 1:5, Rom 1:1 **1:16:** Wok Me 9:3-6, Kal 2:7

1:18: Jon 1:42, Wok Me 9:26 **1:19:** Mat 13:55 **1:21:** Wok Me 9:30

təkwtəkwni raməvisau irapw nahatətəien səkitaha sə kupwən ramousari mə trouraha.”

²⁴ Nənə irəha həgnəgini Kumwesən tukwe iou.

2

Pol revən mægkiari irəha aposol me nepwin fwe Jerusalem

¹ Nəp̄in nuk fotin rukurau, iakutə pen fwe Jerusalem kimrau Panapas. Iakiri mwi Taetas ruvehe kimrahar min.

² Iakutə pen iam̄inhi ti nəri nə mə Kumwesən rinahatən raka iou iakinətoni mə takaməkeikei mevən. Nənə iakevən mətoni nəmə asori me səvəi nakalasia me. Nəp̄in kimaha əpa, iakini pen amasan ti nirəha i nəgkiariien amasan səiou sə iakamini irapw ti nərmama me riṗko mhə irəha nəkur Isrel. Iakamo iam̄inhi irə ti nəri nə mə iakəpwəh nokeikeiien mə narimnari me səməme iakamo mine iakino raka, iakamo auər a.

³ Ia nəp̄in nəha Taetas kimrau min. Nipər̄hienien in iəmə Kris, mətə irəha həpwəh niniiien mə tukaməkeikei kuvehi ninhum min.

⁴ Mətə noien səvəi nuvehien ninhum m iərmama kimaha iahəgkiari irə ti nəri nə mə nərmama me nepwin kamhəkurirə afafa kitaha, mamheikuə mə irəha piəvtaha me. Irəha həuvehe mamhətə afafa kitaha, ti nəri nə mə Iesu Kristo rineivinari ia kitaha. Nənə hokeikei mə tuhətoni mə saməfarə irə. Irəha hənuə tuhəsisəg mwi kitaha ia natuakəmien me səvənraha.

⁵ Mətə kimaha iahəpwəh nəseni ananien irəha mə tuhasori ia kimaha, ti nəri nə mə iahokeikei

mə nəgkiariien amasan i sə ro nɪpərhiɛniɛn trarə amasan tukumiaha mamevən.

⁶ Ia nəpɪn nəha, nərmama nepwɪn fwe ikin kani irəha mə nəmə asori me. (Mə irəha hasori mhəfo pen irə, mətə iakəpwəh nətəriɡ penien irə. Iou iakukurən mə Kumwesən ramo rəmnəmwhen a ia nərmama me pam.) Nəmə asori me nəha həpwəh nɪniien nəgkiariien riti mhəriɪpɪn pen ia nəgkiariien amasan sə iakaməvisau irapw i.

⁷ Irəha həpko mhə iamɪnhi irə, mətə hətə sas mə Kumwesən rəmri pehe nəgkiariien amasan səvənhi ia tɪpage rəɡɪk mə takəvisau irapw irə ramevən tɪ nərmama me rɪpko mhə irəha nəkur Isrel. Noien nəha Kumwesən ro miou rəmwhen a mwi sə rɪno raka m Pita. Pita nəha raməvisau irapw nəgkiariien amasan səvəi Kumwesən ramevən tɪ nəkur Isrel.

⁸ Nəmə asori me nəha hətə sas mə Kumwesən ramasitu ia kɪmrau pəri ia wok mi nəha iarauo. Ramasitu ia Pita ia wok səvənhi sə in ramo in aposol riti səvəi nəkur Isrel, mamasitu mwi ia nɪrak ia wok səiou sə iakamo iou aposol riti səvəi nərmama me rɪpko mhə irəha nəkur Isrel.

⁹ Nənə Jemes, mɪne Pita, mɪne Jon, iəmə mirəhar nəha kani irəhar mə pos me səvəi nɪmwəfwaki, nəpɪn irəhar harənətə Kumwesən ramasitu ia nɪrak ia namasaniɛn səvənhi, harosə pehe rəɡɪnrəhar mwatuk m kɪmrau Panapas rəmwhen mə kɪmaha kusen kuatia. Nənə kɪmaha pam iahəsɛni mə tahəuai kɪmaha me. Kɪmrau Panapas tarouevən rouəvisau m nərmama rɪpko mhə irəha nəkur Isrel, nənə irəha tuhəuvən mhəvisau m nəkur Isrel.

¹⁰ Mətə nəgkiariien kuatia a həməni pehe tukumrau i mə rerimrau tramrhi nərmama me nautə səvənraha riwən, iarouasitu ia nirəha. Mətə nəri nəha iakinətə raka takaməkeikei mo. Rerik ragien tukwe.

Pol rəgkiari skai m Pita

¹¹ Mətə nəpın Pita ruvehe ia Antiok, iakərer ia nənimen, məgkiari skai min, ti nəri nə mə ramo noien riti rəpwəh nəmwhenien.

¹² Nəpın rıməuvehe vi a ia Antiok, raməni pəri nari irəha piəvtaha me səməme rıpkə mhə irəha nəkur Isrel. Mətə kurirə irə Jemes rərhi nərmama nepwın həuvehe. Nəpın hapirapw, Pita rınaməpwəh nəni pəriien nari irəha nərmama me rıpkə mhə irəha nəkur Isrel, nənə minamərer əpə ia nirəha. In ro iamınhi irə ti nəri nə mə rehekır nəkur Isrel me nəha səməme kamhəni mə nərmama rıpkə mhə irəha nəkur Isrel tuhaməkeikei mhəuvən kuvehi ninhum mınraha ti Loa səvəi Moses.

¹³ Nənə piəvtaha me nepwın səməme irəha nəkur Isrel həhekır mwi, mhəkurirə ia Pita ia noien nəha ramo. Panapas mwi in rehekır, mukurirə irəha.

¹⁴ Mətə nəpın iakətoni mə irəha həpkəsi pen mhə nəgkiariien amasan sə ro nıpərhiienien, iakəgkiari skai m Pita ia nəmrinraha pam. Iakini pen tukwe in mə, “Pita. Ik iamə Isrel, mətə ikinəpwəh raka narəien səvəi nəkur Isrel, mamarə ia narəien səvəi nərmama rıpkə mhə irəha nəkur Isrel. Ro iamınhi irə rəfo təkwtəkwuni ikamərhiərhi nərmama me i

ripko mhə irəha nəkur Isrel mə tuharə ia narəien səvəi nəkur Isrel?

¹⁵ Ia nətuiien səkrau krinouətui pehe iəmə Isrel mi. Ripko mhə krau iərmama mi səvəi kwənəkwus əpə riti sə nəkur Isrel kəmhəni mə kwənəkwus səvəi nəkur ərəha me.

¹⁶ Mətə krau krouukurən mə iərmama sə ramesi pen Loa səvəi nəkur Isrel ripkatukwatukw mhə ia nəmri Kumwesən, mətə iərmama sə ramahatətə ia Iesu Kristo, in əpa nə ratukwatukw ia nənimen.^a Nətərigien nəha rino mə kitaha mwi nəkur Isrel səni nīpərhienien ia Iesu Kristo. Kitaha samahatətə ia Kristo ti nəri nə mə noien iaminha irə tro kitaha satukwatukw ia nəmri Kumwesən. Mətə səpkətigite mhə ia nesi penien Loa, ti nəri nə mə iərmama riti riwən ko ruvehe matukwatukw ia nəmri Kumwesən nəpīn ramesi pen Loa.

¹⁷ Kitaha i nəkur Isrel səuvəuvehe raka ti Iesu mə in tro kitaha satukwatukw ia nəmri Kumwesən. Mətə mə kitaha sətoni mə kitaha nəkur ərəha rəmwhen ia nərmama ripko mhə irəha nəkur Isrel, rəfo irə? Kristo ro kitaha səuvehe nərmama kəmhə noien ərəha? Rekəm!

¹⁸ Mətə trini minuə iakuvrhəkīn mwi Loa nəha sə fwe kupwən iakineitehi, noien nəha iakamo ramahatən pen mə pərhien iou iərmama sə iakamərui Loa.

¹⁹ Ia nīkaren səvəi Loa, iakuvamhə raka. Loa nəha rousi əpune iou. Nənə ti nəri nə mə iakuvamhə raka ia nīkaren səvəi Loa, iakukurən

2:16: Wok Me 15:10-11, Rom 3:20-28, Rom 4:5, 11:6, Kal 3:11
a 2:16: Suatuk riti mwi ti nīnīien nəgkiariien nəha ia vas 16 in i mə
 “Mətə krau krouukurən mə iərmama ripkatukwatukw mhə ia nəmri Kumwesən ia nesi penien Loa, mətə nahatətəien ia Iesu Kristo ramo in ratukwatukw ia nənimen.” **2:19:** Rom 7:6

nim̄iruien ia n̄ikaren s̄əv̄əi Kumwes̄ən. Rəmwhen mə k̄in̄ərui t̄ərini pen iou ia nei kamarkuau i kimrau Kristo.

²⁰ Ripko mh̄ə iou iakam̄iru t̄əkwt̄əkwuni, m̄ət̄ə Kristo ram̄iru ia nirak. Nim̄iruien s̄ə iakamar̄ə ir̄ə t̄əkwt̄əkwuni ia t̄ipr̄ən̄ə i, iakamar̄ə ir̄ə, mama-hat̄ət̄ə ia T̄ini Kumwes̄ən. In rokeikei iou memh̄ə tukw̄ iou.

²¹ Ko iapk̄ərarki mh̄ə namasanien i s̄əv̄əi Kumwes̄ən s̄ə ruvei pehe miou. Tr̄ini m̄in̄uə Loa in suatuk īərmama t̄resi pen ti nuveheien matukwatukw̄ ia n̄əmri Kumwes̄ən, ro iam̄inhi ir̄ə Kristo remh̄ə auər a.”

3

Sin ro n̄ifeifeien ro n̄əkur Kalesia h̄ət̄ə wau ia n̄əgkiariien p̄ərhien?

¹ N̄əkur Kalesia, k̄imiaha h̄iamarm̄əri! K̄in̄əvisau raka Iesu Kristo m̄ k̄imiaha rəmwhen h̄īən̄ətoni ia n̄əm̄r̄imiaha mə remh̄ə ia nei kamarkuau. M̄ət̄ə n̄is̄im̄ə n̄əha h̄əno n̄ifeifeien mh̄əuvehi raka k̄imiaha?

² Iakuə tak̄əres n̄əresien riti tukumiaha i. Fwe kupw̄ən, n̄əp̄in̄ h̄īəuvehe vi a mh̄əuvehi N̄ən̄im̄w̄in Ikinan, h̄iamo n̄əfe noien ro Kumwes̄ən ruvei pehe N̄ən̄im̄w̄in n̄əha m̄ k̄imiaha? Rosi h̄i-amesi pen Loa s̄əv̄ənhi uə? K̄imiaha h̄īəukur̄ən mə ripko mh̄ə iam̄inhi. M̄ət̄ə k̄imiaha h̄īəregi n̄əgkiariien amasan s̄əv̄ənhi, mh̄əni n̄ip̄ərhienien ir̄ə, ro pen Kumwes̄ən ruvei pehe N̄ən̄im̄w̄in s̄əv̄ənhi m̄ k̄imiaha.

³ Rəfo k̄imiaha h̄iamarm̄əri iam̄inhi ir̄ə? Fwe kupw̄ən, n̄əp̄in̄ h̄īəuvehe vi a mh̄əhat̄ət̄ə ia Iesu, h̄iam̄ətigite ia n̄iskaiien s̄əv̄əi N̄ən̄im̄w̄in Ikinan.

Mətə rəfo nəha təkwtəkwuni, ko hiəuvehe mhatukwatukw ia nīskaiien atukw səkimiaha?

⁴ Mətə rəfo ia nəmisiəien me həpik hiəuvəregi raka ti Iesu? Hiaməregi auər a uə?

⁵ Kumwesən sə rauvei pehe Nənimwīn Ikinan m kimiaha, nənə mamō nīmtətien me ia nəmrimiaha, in ramo noien me nəha ti nəfe? Ti nəri nə mə hiamesi pen Loa? Rekəm! Mətə in ramo noien me nəha ti nəri nə mə nəpīn hiəregi nəgkiariien amasan səvəi Iesu, hiəni nīpərhienien irə.

⁶ Rerimiaha tramrhi Epraham fwe kupwən. Nəkukuə Ikinan rani mə Epraham “rini nīpərhienien ia Kumwesən. Nənə ti nəri nə mə in rahatətə iamīnhi, Kumwesən rətə in mə in ratukwatukw ia nənimen.”

⁷ Ro pen kimiaha tihaməkeikei mhəukurən mə nərmama səməme kamhahatətə, irəha nəha nīpwnətī Epraham me.

⁸ Nəkukuə Ikinan ruvəni raka fwe kupwən mə Kumwesən trīni nərmama i rīpko mhə irəha nəkur Isrel mə irəha hatukwatukw ia nənimen ti nəri nə mə kamhahatətə irə. Nəpīn noien nəha rīpkuvehe mhə ihi, Nəkukuə Ikinan rīnəvisau pen nəgkiariien amasan i m Epraham. Rini mə, “Nərmama ia tənəmtənə me pam tuhəuvehi namasianien səiou truku pen ia kwənəkwus səim.”

⁹ Ro iamīnhi irə sətōni mə Kumwesən raməkwein amasan ia nərmama səməme kamhahatətə irə rəmwhen raməkwein amasan ia Epraham ti nəri nə mə Epraham ramahatətə irə.

¹⁰ Mətə nərmama me pam səməme kamhətīgite ia nesi penien Loa mə tro irəha hatukwatukw ia nəmri Kumwesən, Kumwesən raməkwein ərəha ia

nirəha. Iakani iam̄inhi irə ti nəri nə mə nəgkiariien i sə kimərai pen ia Nəkukuə Ikinan rəuiui irəha. Rini mə, “Kumwesən trəkwein ərəha ia nərmama me pam həpko mhə narimnari me pam kimərai pen ia nəkukuə səvəi Loa.”

¹¹ Nənə ruvehe m̄ino nukurənien i ti nərmama mə iərmama riti riwən ko resi pen Loa nənə muvehe matukwatukw ia nəmri Kumwesən. Rino nukurənien i ti nəri nə mə Nəkukuə Ikinan rani mə, “Iərmama sə ratukwatukw ia nəmri Kumwesən ia nahatətəien səvənhi, in truvehi n̄im̄iruien.”

¹² Mətə Loa in ropə ia nahatətəien. Iakani iam̄inhi irə ti nəri nə mə Loa rani mə, “Iərmama sə ramo narimnari me pam nəha Loa rani truvehi n̄im̄iruien irə.”

¹³ Mətə Kristo ruvəfi raka nari ia kitaha. Loa nəha ko r̄ipkəkwein ərəha mhə mwi ia kitaha, ti nəri nə mə Iesu r̄iməuvehi təmwk̄itaha, muvehe mo in iərmama sə Kumwesən raməkwein ərəha irə. Rəmwhen ia nəgkiariien i kimərai pen ia Nəkukuə Ikinan rani mə, “Tr̄ini m̄inuə kousi əpune iərmama riti n̄ipwran rəgher ia nei, ramahatən pen mə Kumwesən raməkwein ərəha irə.”

¹⁴ Mətə təkwtək̄wuni, ti nəri nə mə Iesu Kristo remhə iam̄inhi, namasanien sə Kumwesən r̄iməuvei pen m Epraham ko ruvehe ti nərmama r̄ipko mhə irəha nəkur Isrel. Ti nəri nə mə kitaha samahatətə ia Iesu, səukurən nuvehien Nənimw̄in nəha Kumwesən ruvəni raka mə truvei pehe m kitaha.

Promes m̄ine Loa

3:11: Rom 1:17, Kal 2:16
5:21, Kal 4:5, Dut 21:23

3:12: Rom 10:5

3:13: Rom 8:3, 2Kor

15 Piak me, iakuə takini noien riti səkıtaha nərmama, mahatən nəri nəha iakaməgkiari irə. Nəpın iərmama kəru krourai sun nəgkiariien riti nənə rouərihi nipekə tukwe, rəknekın ti iərmama riti mə trifi nipekə səvənrəu, mərihi atukw a səvənhi riti.

16 Fwe kupwən, Kumwesən rino promes me səvənhi m Epraham mine mwipwini. Kumwesən rəpwəh niniien mə ramo promes me səvənhi m Epraham mine “nimwipwini me.” Nəgkiariien i mə “Nimwipwini me” ramini nərmama həpik. Mətə Kumwesən rini mə ramo promes me səvənhi m Epraham “mine mwipwini.” Nəgkiariien i “mwipwini” ramini iərmama kuatia. Mwipwi Epraham nəha Kumwesən rəgkiari irə in nə Kristo.

17 Nipwrai nəgkiariien səiou ro iamınhi: Fwe kupwən, Kumwesən rino promes riti səvənhi m Epraham, marə mini mwi mə nəgkiariien nəha səvənhi traməkeikei mukuə. Nəpın nuk fo-hantret-toti rukurəu, nənə Loa ruvehe. Mətə Loa nəha ko rıpkousi ərəgrəgi mhə promes nəha Kumwesən rınəmri raka m Epraham fwe kupwən.

18 Trini minuə kitaha saməuvehi narimnari me sə Kumwesən rauvei pehe ti nəri nə mə samesi pen Loa, noien nəha ramahatən pen mə promes nəha səvəi Kumwesən ruvehe muvəiwən. Nənə ko səpkuvehi mhə narimnari me nəha ruku pen ti promes nəha. Mətə Epraham ruvehi narimnari me nəha Kumwesən rıməuvei pen min ti nəri nə mə Kumwesən rino promes mə tro iamınhi.

Kumwesən rıməuvei pehe Loa ti nəfe?

19 Ro iam̄inhi irə Kumwesən r̄iməuvei pehe Loa ti nəfe? Ti nəri nə mə nərmama kamho noien ərəha me, ro pen in r̄ir̄ip̄in pen Loa ia promes s̄əvənhi, mə Loa traməmak meste mwipwi Epraham s̄ə promes s̄əvənhi r̄inəgkiari irə truvehe. Nəp̄in Loa ruvehe irə, nagelo me həuvei pen m Moses, nənə k̄imaha iahəuvehi ia r̄əgi Moses, iamə s̄ə ramərer ia n̄imwrhenhi Kumwesən m̄ine k̄imaha.

20 Mətə iərmama s̄ə ramərer ia n̄imwrhenhi iərmama k̄əru iam̄inhi irə mə truvi s̄imw̄in irau, r̄ip̄ko mhə s̄əvəi iərmama kuatia nə in, mətə Kumwesən in kuatia a.

21 Ro iam̄inhi irə kitaha tsəgkiari ia narimnari me i mhəfni irə? Loa s̄əvəi Kumwesən r̄ərəha mətə promes me s̄əvəi Kumwesən hamasan? Rekəm, kitaha ko s̄əpk̄ini mhə iam̄inhi irə. Tr̄ini m̄inuə Kumwesən r̄iməuvei pehe loa riti s̄ə rukurən nuvei peheien n̄im̄ruien, kitaha tsesi pen loa nəha nənə mhəuvehe mhatukwatukw ia nəmri Kumwesən.

22 Mətə r̄ip̄ko mhə iam̄inhi irə. Nəkukuə Ikinan rani mə noien ərəha r̄əuiui nərmama me pam, m̄ərihi t̄əriini irəha. Ro iam̄inhi irə narimnari me pam Kumwesən r̄ino promes mə truvei pehe m kitaha, kitaha s̄əukurən nuvehien ti nəri nə mə s̄əni n̄ip̄ərhienien ia Iesu Kristo.

23 Fwe kupwən, nəp̄in Kristo r̄ip̄kuvehe mhə ihi mə tsahatətə irə, kitaha samarə tegin Loa s̄əvəi Moses. Loa nəha raməkwtəmhiri kitaha. Rəmwhen mə samarə ia kalapus mamheitenhi mheste Kristo tr̄ip̄kier pehe tukutaha mə tsahatətə irə.

24 Fwe kupwən, Loa nəha rasori ia kitaha,

3:19: Rom 5:20, Wok Me 7:38

3:21: Rom 8:2-4

3:22: Rom

3:9-19, Rom 11:32

3:23: Kal 4:3

3:24: Rom 10:4

mamətui tukutaha. Sənamarə tegin Loa nəha meste Kristo ruvehe. Nənə nəpın Kristo ruvehe, kitaha sahatətə irə mə tsəuvehe mhatukwatukw ia nəmri Kumwesən.

²⁵ Mətə təkwtəkwuni nəha, ti nəri nə mə Kristo ruvəuvehe raka, nənə samahatətə irə, səpkarə tegin mhə Loa.

²⁶ Iakani iamınhi irə ti nəri nə mə kimiaha pam nə nıpwnəti Kumwesən me ti nəri nə mə hiama-hatətə ia Iesu Kristo.

²⁷ Kimiaha pam sə hiəno raka paptas mə tihəuvehe mho kuation kimiaha Kristo, hiəuvəuvehi raka Kristo rəmwhen hiamarkahu karkahu.

²⁸ Nənə təkwtəkwuni rıpkə mhə kimiaha nepwın nəkur Isrel mine nepwın rıpkə mhə nəkur Isrel. Rıpkə mhə kimiaha nepwın nərmama səməme hi-amo slef mine nepwın hiəpkə mhə slef. Rıpkə mhə kimiaha nepwın nıpran mine nepwın nərman. Iakini iamınhi irə ti nəri nə mə kimiaha pam kuation a ia Iesu Kristo.

²⁹ Trini minuə səvəi Kristo nə kimiaha, nıpwnəti Epraham me nə kimiaha. Kimiaha nə nəkwərəkəkərha me tihəuvehi narimnari amasan me nəha Kumwesən rino raka promes mə truvei pen m Epraham.

4

Kimiaha nə nıpwnəti Kumwesən me

¹ Nıpwrari nəgkiariien səiou ro iamınhi irə. Nəpın iərmama remhə, nautə me pam səvənhi səvəi tini.

Mətə trīni mīnuə tīni ramouihi ihi, ko in rīpkasori mhə ia nautə me nəha, mətə in rəmwhen a ia slef.

² Nəpīn ramouihi ihi trarə tegīn nəmə asori me nepwīn. Irəha tuhətui amasan tī nautə səvənhi meste nəpīn nəha tata səvənhi rīmāni.

³ Rəmwhen a mwi ia kitaha. Nəpīn sənəməkwerhəkwerha ihi samarə tegīn nənīmwin me i irəha nukune noien me səvəi tīprənə i. Irəha kamhərimənu ia kitaha səmwhen ia slef me.

⁴ Mətə nəpīn atukwatukw nəha Kumwesən rīmāni ruvehe, nənə in rərhi pehe Tīni. Pran riti rərəhi. Rətui pehe, marə tegīn Loa səvəi Moses,

⁵ mə in trərəku raka səməme kamharə tegīn Loa nəha. Kumwesən ro iamīnhi irə mə tresi kitaha səuvehe mho nīpwnətīn me.

⁶ Tī nəri nə mə nīpwnətīn me i kitaha, rərhi pehe Nənīmwin səvəi Tīni ruvehe mamarə ia reritaha. Ia Nənīmwin nəha kitaha saməkwein Kumwesən mə, “Rīmīmaha, Tata!”

⁷ Ro iamīnhi irə rīpko mhə kīmīaha hīamo ihi slef ia kīmīaha, mətə kīmīaha nīpwnətī Kumwesən me. Tī nəri nə mə kīmīaha nīpwnətī Kumwesən me, ro pen Kumwesən truvei pehe m kīmīaha narīmīnari me nəha rīmāni mə truvei pen m nīpwnətīn me.

Pol rerin rapou ti nakur Kalesia

⁸ Fwe kupwən, nəpīn kīmīaha hīamreirei Kumwesən, hīəmwhen ia slef me səvəi kumwesən eikuə me.

⁹ Mətə təkwtəkwi nənə hīəuvəuvehe mhəuvəkurən raka Kumwesən, uə ramasan mwi

iakini mə təkwtəkwuni Kumwesən ruvəukurən raka kimiaha. Mətə rəfo hiamrərig mwi ti nənimwɪn me i irəha nukune narəien kupwən səkimiaha. Irəha nəgsenraha riwən. Ho nəri auər a. Hiokeikei mə tihəmwhen mwi ia slef me səvənraha uə?

¹⁰ Hiaməsiai nəpɪn ikinan me, mɪne məkwə me, mɪne nuk me.

¹¹ Iakamhekɪr tukumiaha. Rosi iakinəmwur auər a ia kimiaha uə?

¹²⁻¹³ Piak me, iakase kimiaha mə tihaməkeikei mhəuvehi noien səiou. Hətə ro. Iakuvəuvehi raka noien səkimiaha. Kimiaha hiəuvəukurən raka mə fwe kupwən iakiməuvehe tukumiaha ti nəri nə mə nemhəien riti rarə ia nɪpwɪrak. Ia nəpɪn nəha iakiməkupwən məvisau irapw nəgkiariien amasan səvəi Iesu m kimiaha. Mətə kimiaha hiəpko mhə nəmisəien miou.

¹⁴ Nɪpərhienien nemhəien səiou riskai, hiamarkut pɪk irə, mətə hiəpwəh nəmwəkien iou tukwe, uə hiəpkərhi irapw mhə iou, rekəm. Hiəuvehi puvnimwə pehe iou rəmwhen ia iou agelo riti səvəi Kumwesən, uə iou nəha Iesu Kristo.

¹⁵ Ia nəpɪn nəha rerimiaha ragien pɪk. Mətə nagienien nəha səkimiaha ruvəwəku? Iakani pehe tukumiaha i mə pərhien fwe kupwən trini mɪnuə rɪmərɪ tukumiaha, hiəpkukumwiri raka a nənimemiaha mhəuvei pehe miou iakomasan səiou irə.

¹⁶ Mətə rəfo nəha təkwtəkwuni? Rosi ti nəri nə mə iakamini pehe tukumiaha i nəgkiariien pərhien hiaməmwəki iou tukwe uə?

¹⁷ Nərmama me nəha kamhəmwur pɪk tukumi-

aha, mətə həpko mhə ti nəri amasan riti. Irəha hokeikei mə tuhəvi raka kimiaha mə tihaməmwur əpa ti nərəha.

¹⁸ Ramasan mə hiaməmwur ti noien narimnari me, mətə tihaməkeikei mhəmwur ti noien amasan. Nəgkiariien nəha ro nıpərhiendien ia nəpın me, nəri auər a mə samarə kitaha miou uə səpkarə mhə kitaha miou.

¹⁹ Nəkwərhakwərha me səiou. Iakregi iakaməmisə pık mwi tukumiaha rəmwhen ia pran təkutan raməmisə mə trərəhi iəkunouihi. Takregi iamınhi meste kimiaha tihəuvehi noien atukwatukw səvəi Kristo ia nımıruien səkimiaha.

²⁰ Ko ramo kitaha m kimiaha nəha təkwtəkwuni, nənə ko iapkəgkiari skai mhə m kimiaha. Mətə iou iakamarə isipwın, iakreirei mə takəfo masitu ia kimiaha.

Pol rusipekin ia Heka mine Sera

²¹ Kimiaha səməme hiokeikei mə tiharə tegin Loa səvəi Moses, tiho mhəni pehe ro tukw iou i. Hiəuvəregi raka nəfe Loa nəha rani uə rekəm?

²² Kimərai pen iamınhi mə Epraham tini kəru iərman. Pran sə in slef rərəhi riti, nənə pran sə rıpko mhə in slef rərəhi riti.

²³ Tini slef rətui rəmwhen ia nəkwərhakwərha me nepwın a. Mətə tini prən nəha rıpko mhə in slef rətui ti nəri nə mə Kumwesən rino promes iamınha irə ia prən nəha.

²⁴ Nəgkiariien nəha ro nıpərhiendien irə, mətə ramasan mə iakusipekin irə. Prən mi nəha kəru krouəmwhen ia nəgkiariien kəru Kumwesən

rinərihi tərini əknekin. Prən nəha Heka rəmwhen ia Loa səvəi Moses sə Kumwesən rıməuvei pen fwe təkuər Sinae. Loa nəha ramərəhi nəkwərhakwərha, mətə irəha slef me.

²⁵ Heka rəmwhen ia təkuər Sinae fwe Arepia, məmwhen mwi ia taon nəha Jerusalem ipwet mine, ti nəri nə mə taon nəha ro slef irə, nənə nəkwərhakwərha me səvənhi irəha mwi slef me.

²⁶ Mətə Jerusalem nəha fwe ia neiai rəmwhen ia prən nəha rıpkə mhə in slef. Nənə in nə mama səkitaha.

²⁷ Rəmwhen ia nəgkiariien i kımərai pen ia Nəkukuə Ikinan rani mə, “Agien, pran sə ipkəkəwəhakwen mhə! Əkwein əpwəmwis, magien, pran sə ipkəmisə raka mhə ti nərəhiien iəkunouihi! Nəkwərhakwərha me səvəi prən nəha kınəpwəh in, tuhəpik mhəpi raka nəkwərhakwərha me səvəi prən sə səvənhi fwe iərman.”

²⁸ Piak me, kımiaha nə nıpwənəti Kumwesən me. Hiəmwhen ia Aesak, iəkunouihi sə rinətui ti nəri nə mə Kumwesən rino promes mə tro iamınhi.

²⁹ Mətə fwe kupwən, iəkunouihi nəha Ismael sə rinətui rəmwhen ia nəkwərhakwərha me nepwin, ramometə iəkunouihi nəha Aesak sə rinətui ia nıskaiien səvəi Nənimwin səvəi Kumwesən. Rəmwhen a mwi ipwet mine.

³⁰ Mətə Nəkukuə Ikinan raməfni irə? Rani mə, “Ərhi irapw prən nəha in slef irau tini, ti nəri nə mə tini slef nəha ko rıpkıpeki pəri mhə nautə səvəi tata səvənhi irau tini prən nəha rıpkə mhə in slef.”

³¹ Ro pen, piak me, rıpkə mhə kitaha nıpwənəti prən nəha in slef, mətə kitaha nıpwənəti prən nəha

4:26: Hip 12:22, Rev 3:12, Rev 21:2,10 **4:28:** Rom 9:7, Kal 3:29

4:30: Jen 21:10, Jon 8:35 **4:31:** Kal 3:29

rɪpkɔ mɦə in slef.

5

¹ Kristo rɪneivi raka nari ia kitaha. In rɪno noien naha mə nari riti trəpwəh nəsisəgien mwi kitaha. Ro iamɪnhi irə kɪmiaha tihaməkeikei mhərər əknekɪn, mhəpwəh nəseniien Loa naha rəkwtəmhiri kɪmiaha hiəuvehe mwi mho slef ia kɪmiaha.

² Həregi ro, iou Pol iakani pehe tukumiaha i, trɪni mɪnuə hiəsəni kuvehi ninhum m kɪmiaha ti Loa naha, nemhəien səvəi Kristo trɪpkasitu anan mɦə ia kɪmiaha.

³ Iakuə takɪni irapw mwi tukumiaha i. Trɪni mɪnuə iərman riti rəsəni kuvehi ninhum min ti Loa naha, in traməkeikei mesi pen pam nəfe Loa naha rani.

⁴ Ik sə ikuə tikesi pen Loa naha mə tikuvehe matukwatukw ia nəmri Kumwesən, kɪnərɪi raka ik. Ikɪnəpwəh noien kuartia kɪmirau Kristo, mɪnəpwəh namasanien səvəi Kumwesən.

⁵ Mətə kitaha i saməmri pen əknekɪn nətərigien səkitaha ia Kumwesən mə in tro kitaha satukwatukw ia nənimen ti nəri nə mə samahatətə ia Kristo. Nənɪmwɪn Ikinan ramo kitaha saməskai mə tsameitenhi meste nəri naha trier irapw.

⁶ Nəpɪn səuvehe mho kuartia kitaha Iesu Kristo, nəri auər a mə iərmama riti kuvehi ninhum min uə kɪpkuvehi mɦə ninhum min. Mətə nəri asori kitaha tsaməkeikei mhahatətə ia Iesu, nənə mhokeikei Kumwesən mɪne nərmama me.

⁷ Fwe kupwən, kɪmiaha hiamaiu amasan. Sin rərər tukuahag kɪmiaha mɪnise kɪmiaha

mə tihəpwəh nesi penien nəgkiariien sə ro nɪpərhienien?

⁸ Noien nəha rɪpkuku pen mhə ti Kumwesən sə raməkwein kimiaha.

⁹ Kimiaha tihaməsiari. “Yis ouihi trəsə bred asori rəsisi.”

¹⁰ Mətə iou iakətigite ia Iərɪmənu səkitaha mə nətərigien səkimiaha trɪpkuvehe mhə mopə ia nətərigien səiou. Iərmama nəha rameikuə ia kimiaha, iou iakreirei mə in sin, mətə Kumwesən trərpwɪn noien ərəha səvənhi.

¹¹ Piak me, hətərig ro, trɪni mɪnuə iakaməvisau ihi mə nərmama rɪpko mhə irəha nəkur Isrel tuhaməkeikei mhəuvən kuvehi ninhum mɪnraha, rəfo nəkur Isrel kamhometə ihi iou? Trɪni mɪnuə iakaməvisau ihi nəgkiariien nəha, ko niemaha rɪpkəpi mhə irəha. Mətə niemaha raməpi irəha ti nəri nə mə iakaməvisau irapw nemhəien səvəi Iesu ia nei kamarkuau.

¹² Nərmama me nəha səməme kamhəni mə tihaməkeikei mhəuvən kuvehi ninhum m kimiaha ti Loa, iakregi mə ko irəha hərəi raka mwatuk səvənraha, rerik ragien!

¹³ Piak me, Kumwesən rɪnəkwein raka kimiaha, mɪneivi raka nari ia kimiaha. Mətə tihəpwəh nɪniien iamɪnhi irə mə, “Loa nəha rəpwəh nəkwətəmhiriien iou, ro pen iakukurən noien narimnari me i noien ərəha səvəi nɪpwɪrak rokeikei.” Kimiaha tihəpwəh nɪniien iamɪnhi irə, mətə tihaməkeikei mho tukwini nari m kimiaha me, ti nəri nə mə hiokeikei kimiaha me.

¹⁴ Nəgkiariien riti nəha ia Loa səvəi Moses

rəuiui loa me pam. In i nəgkiariien i rani mə, “Tikaməkeikei mokeikei piam rəmwhen ikokeikei atukw a ik.”

¹⁵ Mətə trini mīnuə hiamahiahi kimiaha me rəmwhen ia kuri me, tihaməsiari kamo hiouraha pam kimiaha me.

Nənimwīn Ikinan mīne noien ərəha səvəi nīpwrai iərmama

¹⁶ Mətə iakani pehe tukumiaha i mə tihaməkeikei mhəuvehi niskaiien səvəi Nənimwīn Ikinan mharə irə. Nəpīn hiamo iamīnhi irə tihəpko mhə narimnari me i noien ərəha səvəi nīpwramiaha rokeikei.

¹⁷ Iakani iamīnhi irə ti nəri nə mə noien ərəha səvəi nīpwrai iərmama rokeikei narimnari me səməme Nənimwīn Ikinan rəpwəh nokeikeien. Rəmwhen a mwi Nənimwīn Ikinan rokeikei narimnari me i noien ərəha səvəi nīpwrai iərmama rəpwəh nokeikeien. Noien ərəha səvəi nīpwrai iərmama mīne Nənimwīn Ikinan irau krouəmwəki irau me. Ro pen rəknekin tukumiaha mə tiho narimnari me hiokeikei mə tiho.

¹⁸ Mətə trini mīnuə Nənimwīn Ikinan ramiri kimiaha, Loa nəha ko rīpkəkwtəmhiri mhə mwi kimiaha.

¹⁹ Nərmama me i noien ərəha səvəi nīpwrənraha ramiri irəha rīməru a ti nətoniien. Irəha nərman mīne nīpran kamhəiri əpnəpen irəha me. Irəha kamho noien me nepwīn həmkemik mīne nəfe nari nətəriɡien ərəha səvənraha rokeikei.

²⁰ Irəha kamhəfwaki m nənimwi nari me, mamho nahak, mamhəmwəki irəha me,

mamhəvisə. Rerɪnraha ramrhi ərəha irəha me. Niemaha raməpi irəha. Irəha kamhəfiəutə ia nirəha me, mamho nərmama həmwəki irəha me mhərai narəien səvənraha.

²¹ Rerɪnraha ramakres. Irəha kamhənɪmwi nənimwiien skai mamhakonə irə, mamho lafet ərəha me, mamho mwi narimnari me nepwɪn iamɪnhi. Iou takɪni pehe tukumiaha i nəgkiariien i iakuvəni raka fwe kupwən. Nərmama səməme kamho noien iamɪnha irə tuhəpwəh nuvnimwəien ia nitətə sə Kumwesən ramərimənu irə.

²² Mətə nərmama səməme Nənimwɪn Ikinan ramiri irəha həukuə kwənkwanraha sə ramasan me i. Irəha hokeikei nərmama. Rerɪnraha ragien. Irəha kamharə ia nəmərɪnuien, mamho nətərigien səvənraha rəpwəmwis. Rerɪnraha ramasan ti nərmama. Irəha kamho noien amasan. Ia nəpɪn me irəha kamhəkwtəmhiri əknekɪn nəgkiariien səvənraha mɪne nəfe həni mə tuho.

²³ Noien səvənraha ramasan məpou. Irəha kamhəkoui atukw a irəha mə tuhəpkə mhə noien ərəha. Loa riti riwən raməsisəg kimiaha mə tihəpwəh noien iamɪnha irə.

²⁴ Nərmama me səvəi Iesu Kristo rəmwhen mə hənərui tərini pen raka noien ərəha səvəi nɪpwrənraha mɪne narimnari me nəha noien ərəha nəha rokeikei pik ia nei kamarkuau.

²⁵ Nənimwɪn Ikinan rauvei pehe nɪmɪruien vi m kitaha. Ro iamɪnhi irə pwəh səkurirə Nənimwɪn nəha.

²⁶ Rərəha mə səməfiəutə ia kitaha me, uə samo niemaha m kitaha me, uə reritaha ramakres

narimnari me səkıtaha me.

6

Kimiaha tiasitu ia kimiaha me

¹ Piak me, trini minuə kimiaha riti rimwei ia nərəhaien, kimiaha səməme hiəuvəskai ia Nənimwın Ikinan tihaməkeikei mhəiri məru in, pwəh rirərig mwi ti suatuk amasan. Mətə tihaməsiari kamo kimiaha mwi tihəregi noien ərəha ruvi nətərigien səkimiaha mo kimiaha hiəmwei.

² Tiasitu ia kimiaha me mhəvrani nari pəmpəm me səkimiaha me. Noien nəha tiho nənə mhesi pen nəkwai Kristo.

³ Rərəha mə iərmama auər a riti rerin tramrhi atukw a in, mamini iamınhi irə mə, “Eh, iou iərmama riti.” Iərmama sə ramo noien nəha rameikuə atukw a irə.

⁴ Iərmama riti traməkeikei mətə sas əpa ia wok səvənhi mə rəmwhen. Mə wok səvənhi ramasan, rukurən nəfiəutə atukwien in ti səvənhi əpa wok. Mətə rərəha raməfiəutə atukw a in ti wok səvəi iərməpə.

⁵ Iakini iamınhi ti nəri nə mə nərmama kuatia kuatia tuhaməkeikei mhətui amasan ti səvənraha wok.

⁶ Iərmama sə kamahatən in ia nəgkiariien səvəi Kumwesən, nəpin ruvehi nari amasan riti, ramasan mə ruvehi pen nipərin m iahatən səvənhi.

Nəfe nuni nari iərmama trəpwei tresi əpa mwi nukwan

6:1: Mat 18:15, Jem 5:19 **6:2:** Rom 15:1 **6:4:** 1Kor 11:28 **6:5:** Rom 14:12 **6:6:** 1Kor 9:11,14

7 Kĩmiaha tihəpwəh neikuə atukwien ia kĩaiaha. Hiəukurən mə ko hiaris ia Kumwesən? Rekəm! Nəfe nuni nari iərmama trəpwei tresi əpa mwi nukwan.

8 Trĩni minuə iərmama rəpwei noien ərəha sə nĩpwrən rokeikei, noien nəha səvənhi truvei pen nukwan min, in nə iərmama nəha tremhə. Mətə trĩni minuə iərmama rəpwei noien amasan sə Nənimwĩn Ikinan rokeikei, Nənimwĩn Ikinan truvei pen nukwan min, in nə nĩmiruien rerin.

9 Kĩtaha tsaməkeikei mho noien amasan, mhəpwəh nəpouien irə, ti nəri nə mə tsesi nukwai noien nəha samo ia nəpin atukwatukw səvənhi.

10 Ro iamĩnhi irə, rĩno nəpin səvənhi pwəh so noien amasan, mhasitu ia nərmama me pam. Irənhə irə, tsaməkeikei mho iamĩnhi irə ia nərmama me nəha irəha piəvtaha me mine kitirimətaha me ti nəri nə mə irəha mwi kamhahatətə ia Iesu.

Nəgkariien sampam

11 Hətoni ro nukwai nəkukuə me i həpwinari. Iakrai atukw ia rəgik ia nəkukuə səkĩaiaha.

12 Nərmama me nəha səməme kamhərhiərhi kĩaiaha mə tihəuvən kuvəhi ninhum m kĩaiaha ti Loa səvəi Moses, irəha kamho noien nəha mə nəkur Isrel tuhəgnəgĩni irəha. Irəha həpwəh nokeikeien mə nəkur Isrel tuhometə irəha, rə pen həpwəh nəvisauien nemhəien səvəi Kristo ia nei kamarkuau.

13 Nərmama me nəha səməme kuvəuvehi raka ninhum minraha ti Loa səvəi Moses, irəha mwi həpwəh nesi penien Loa nəha. Mətə hokeikei mə tuhəuvehi ninhum m kĩaiaha, nənə kurirə irə

tuhəfiutə ia nirəha ia nəmri nəkur Isrel ti noien nəha kīno ia nīpwramiaha.

¹⁴ Mətə iou takəpwəh nəfiutəien ia nirak. Takəfiutə a ia nei kamarkuauī səvəi Iesu Kristo, Iərimənu səkītaha. Ia nei kamarkuauī nəha iakuvamhə raka mīnəpwəh raka noien me səvəi tīprənə i.

¹⁵ Ro nəri auər a mə iərman kuvehi ninhum mīn uə kīpkuvehi mhə ninhum mīn, mətə nari pərhiēn in i mə Kumwəsən ro nīmīruīen səvəi iərmama ruvehe mo sə vi irə.

¹⁶ Nərmama me pam səməme kamhəkurirə nəgkiariīen nəha pwəh nəmərīnuīen mīne napiīen trouarə ti nirəha, pwəh trouarə mwi ti Isrel səvəi Kumwəsən.

¹⁷ Iakəpwəh nokeikeīen mə iərmama tro iou iakəmwur mwi. Iakuvəuvehi raka təmwki nousiēn ia nīpwrak ti nəri nə mə iou iərmama riti səvəi Iesu.

¹⁸ Piak me, pwəh namasanien səvəi Iesu Kristo Iərimənu səkītaha tramarə tukumiaha. Ouəh, pwəh ro iamīnhi.

Nəkukuə Ikinan
The New Testament in the Nafe (Kwamera) language
of Southeast Tanna, TAFEA Province, Vanuatu
Niutestamen long lanwis Nafe blong Vanuatu.
Le Nouveau Testament dans la langue Nafe de
Vanuatu.

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

PDF generated using Haiola and XeLaTeX on 18 Apr 2025 from source files dated 31 Aug 2023

26b0f540-c192-5878-be67-18ede9ab1416